

NAP-NYT BRUXELLES

K A L A A L L I T N U N A A T A
S I N N I I S O Q A R F I A
B R U X E L L E S - I M I

OLT-p Siulittaasoqarfia

Kalaallit Nunaata 2012-mi
siulittaasoqarfiunera
atuarsinnaavat

Qupperneq 2

Naalackersuisut

Siulittaasuata angalanera.

Kuupik Kleistip Europamik
kaajallaalluni angalanera
atuarsinnaavat

Qupperneq 3

Aalisarneq pillugu

isumaqatigiinniarnert

Bruxellesimi
aappassaaneerluni aalisarneq
pillugu isumaqatigiinniarnert
atuarsinnaavatit

Qupperneq 4

Marloriarluni

Isumasioqatigiinneq

EP-mi Puisit pillugit
isumasioqatigiinneq aamma KBH-
mi Aatsitassat Ikummatissallu
pillugit isumasioqatigiinneq

Qupperneq 5

How cool is GREEN?

- DISCOVER IT IN GREENLAND 2012!

Kalaallit Nunaat 2012-mi Nunani Imapriup Illuatungaaniittunut Nunallu Immikkoortuinut Siulittaasuussaaq, tamannalu isumaqarpoq ilaasortat 2,5 mio.-nit missaanniittut nunat immikkoortuinut 25-nut agguataarsimasut, taakkualu soqutigisaat Naalackersuisut Siulittaasuata, Kuupik Kleistip sinniisuuffigissavai.

Kalaallit Nunaata Siulittaasuunermini Avatangiisinut Innarliinngitsumik Ineriartorneq ukkanniarppaa imatut oqaasinnaaqarluni - HOW COOL IS GREEN? Tulleriissarinermi pingaarnertinneqassapput ilinniartitaaneq, nutaaliorneq aamma ilisimatuuat misissuineq.

Kalaallit Nunaat 2012-mi OLT-mut Siulittaasoq

Ministerit ataatsimiinneranni ull. 23. januaari 2012-mi Nunani Imapriup Illuatungaaniittuni Nunallu Immikkoortuinut (OLT) siulittaasuuffik Kalaallit Nunaata Monteserratimit tigussavaa.

Nunani Imapriup Illuatungaaniittut Nunallu Immikkoortuisa kattuffiat (OCTA) tassaavoq qeqertaaqqat qeqertallu angisuut 25-it tamarmik, EU-mi naalagaaffiit ilaasortat sisamaasut –Danmark, Frankrig, Tuluit Nunaat Holland – taakkua arlaannut naalagaaffimmut atasut.

OCTA aaqquissuussineq taaneqartartoq OLT aqqutigalugu EU-mik qanimut suleqateqarpoq.

Ukiuortoortumik siulittaasoqarfiit nikkittarnerat isumaqarpoq, nunat ilaasortat ataasiakkaarlutik OLT-EU-mi suleqatigiinnermi oqaluuserisassat sunniiviginissaannut periarfissaqalersarmata. Kalaallit Nunaata siulittaasunut suliassaanut ilaatigut ilaavoq OLT-imi siulersuisut ataatsimiinneri aquttassallugit piareersartassallugillu præsidenti suleqatigalugu aamma EU Kommissionip aamma nunat ilaasortaasut sisamat ataatsimiinneri.

Siulittaasup OLT-it soqutigisaat EU Kommissionimut aamma saqqummiuttartussaavai præsidentilu peqatigalugu OLT-mi ilaasortanut 25-usunut isumaqatigiinniarnerni ataatsimiinnernilu saqqummiuttassallugit.

OLT-mi ilaasortat 2,5 millionit missaaniittut imarsuarnut pingasunut siammarsimapput – Manerassuaq, Atlantikoq aamma Indiap Imapria. Inuit amerlassusiat inunnit 55-niit inunnut 267.000-nut amerlassuseqarput.

OLT-it issittumit kiattunut tamakkerlugit atuuppoq.



Kuupik Kleist 2012-mi OLT-mi ilaasortanut 2,5 mio.-nut Siulittaasuussaaq

Kalaallit siulittaasuutitaqarnerat Naalakkersuisut Siulittaasuannit isumagineqassaaq, anguniakkat pingaarnert aamma ingerlasussanik piareersaanermut aqutsinernullu attaveqatigiinnermullu tunngasunik sulineq Bruxellesimi Kalaallit Nunaata Sinniisoqarfia Nunanut Allanut Pisortaqarfik Kuupik Kleistilu qanimut suleqatigalugit ataqatigiissaarisuussaaq. Kalaallit Nunaat Siulittaasutut OLT-EU-p Oqallittarfianik aamma OLT-mi ministerit ataatsimiinnissaata ingerlanneqarnissaanut piareersaateqassaaq tassungalu atatillugu Kalaallit Nunaata OLT-mi suleqatini 2012-mi septembarip naalernerani OLT-EU-p Oqallittarfianut tullermut qaaqqussamaarpai. Tamanna isumaqarpoq Kommissærit, EU-mi Naalagaaffiit ilasortat sisamaasut ministeriisa saniatigut, OLT-mi EU-milu sinniisut 100-t sinnerlugit 2012-mi Kalaallit Nunaannut tikissasut.

Siulittaasoqarfiuneeq aqqutigalugu Kalaallit Nunaata OLT-mi oqaluuserisassani sammisap ataatsip ukkannissaa kissaatigaa. Taamatut Kalaallit Nunaannut pingaaruteqarpoq, EU-mi naalagaaffinnit ilaasortanit sisamanit aamma EU Kommissionimit paasineqartumik tulleriarinerup qulakkeernissaa. Taamaattumik Kalaallit Nunaata 2012-mi Avatangiisinut Innarliinngitsumik Ineriartorneq ukkanniarpaa, matumani ilanngullugit ilinniartitaaneq, nutarterineq aamma ilisimatuuq misissuineq. OLT-mut siulittaasuuneeq Kalaallit Nunaannut kinguneqassaaq EU-mi takussaanerulernermik aamma piffissami pitsaasumik ersarinnerulernissamut periarfissaavoq, Kalaallit Nunaata EU-mik isumaqatigiissutaasa arlallit nutarterneqarnissaanni.

Kuupik Kleistip Europamik kaajallaalluni angalanera

Naalackersuisut Siulittaasuat Kuupik Kleist piffissami 29. Novembari – 2. decembari 2011-mi Londonimut, Parisimut Bruxellesimullu angalavoq, tuluit franskillu naalackersuisuisa OLT-mut ministerii akisussaasut aamma Arubas-ip ministeriunera ataatsimeeqatigai.

Nunani Imarpiup Illuatungaaniittuni Nunallu Immikkoortuini (OLT), Manerassuarmi, Caribienimi Atlantikumilu qeqertat 25-it inuiaqatigiiffiusut atuuffigai, 2012-mi Kalaallit Nunaat siulittaasunngusaaq. Qeqertanit 18-nit Frankrigimut Tuluillu Nunaannut atapput.

Taamaattumik Kuupik Kleistimut naleqquppoq Siulittaasuuffiup tigunnginnerani naalagaaffinnit ilaasortanit annerpaanit marlunnit OLT-mut ministerinik ataatsimeeqateqarneq, ukiuni aggersuni OLT-mi Kalaallit Nunaata tulleriissaarinissaa oqaluuseriniarlugu. Naalackersuisut Siulittaasuata ilaatigut 2012-mi OLT-EU-mi oqaluuserisassat, OLT-mi ilaasortanerup aamma siunissami Kalaallit Nunaata EU-mut atassuteqarnerisa nutarterneqarnissaat pillugit tuluk Henry Bellingham aamma franskeq Marie-Luce Penchard oqaloqatigai.

Ministerit ataatsimiinnerisa saniatigut tuluit franskillu OLT-mut sinniisui Londonimi Parisimilu Naalackersuisut siulittaasuata ataatsimeeqatigai. Ataatsimiinnerni taakkunani siunertaavoq 23. januar 2012-mi ministerit ataatsimiinnissaannut OLT-it ataatsimoorussamik tulleriiaarinissaata oqaluuserineqarnissaa, tuluit OLT Montserratiannit OLT-mi Siulittaasoqarfik Kalaallit Nunaata najoqqutassat malillugit tigussavaa.



Kuupik Kleistip Europami angalanini Hollandip OLT-ani Arubasimi ministeriunermik Mike Eman Bruxellesimi ataatsimeeqateqarnermik naggasera. Aruba aamma Kalaallit Nunaat arlalippassuartigut ataatsimoorfeqarput, nunat taakkua marluusut qanoq imminnut ilinniarfigeqatigiissinnaanersut aamma suleqatigiinnerup maannamut atuutereersup annertusineqarsinnaanera naalagaaffiit siulittaasuisa marluusut ilaatigut oqaloqatigiissutigat.

Naalackersuisut Siulittaasuata ukiumoortumik OLT-EU oqallittarfianut Kalaallit Nunaata qaaqquisuuffigisassaanut ministerit tamaasa qaaquai. OLT-EU-mi Oqallittarfik ukiakkut 2012-mi Ilulissani ingerlanneqassaaq. OLT-mi sinniisut 100-t sinnerlugit, EU-mi ilaasortat naalagaaffiit sisamat; Tuluit Nunaat, Frankrig, Holland Danmarkilu aamma EU Kommissioni peqataassasut tassani naatsorsuutigineqarpoq.

Tassunga ilaalluni EU kommissæri Andris Piebalgs EU-p ineriartortitsinermut ingerlatsineranut akisussaasoq, tassunga OLT-mi Ilaasortaneq ilaavoq.

NAP-NYT

Aalisarnermut isumaqatigiissummut tapiliusseq nutaaq pillugu isumaqatigiinniarnert

Ulluni 22. Novembari – 25. Novembari 2011 Bruxellesimi Aalisarnermut isumaqatigiissummut tapiliusseq nutaaq pillugu aappasaanneerluni isumaqatigiinniarnert ingerlapput. Isumaqatigiinniarnert aappasaanneerluni taanna siullermit sakkortuneruvoq naak illuatungeriinnit piumassuseqartoqaraluartoq isumaqatigiittoqanngilaq. Taamaattumik isumaqatigiinniarnert februaarip aallartinnerani nanginneqassapput.

Kalaallit sinniisutut aallartitaat Aalisarnermut, Piniarnermut Nunalerinermullu Naalakkersuisoqarfimmi immikkoortortaqarfimmi pisortamit Emanuel Rosingimit siulersorneqaqqipput. Sinniisutut aallartitat makkuupput paasisimasallit, suliffissuaqarfimmit peqataasunit sinniisut, Aalisarnermut, Piniarnermut Nunalerinermullu Naalakkersuisoqarfimmit, Aningaasaqarnermut Naalakkersuisoqarfimmit aamma Bruxellesimi Kalaallit Nunaata Sinniisoqarfianit sinniisut. Kiisalu Danmarkimit Nunanut Allanut Ministereqarfimmit Kalaallit Nunaata sinniisua.



Europamiut sinniisutut aallartitaasa pisortaat Imarsiornermut Suliassanut Aalisarnermullu Pisortaqarfimmut Qullersaqarfiup, immikkoortortaqarfiani pisortaq Constantin Alexandrou aamma naalagaaffinnit ilaasortanit suliffissuaqarfimmiillu peqataasunit paasisimasalinnik sinniisunillu ilaqarpoq.

Tamatuma saniatigut Imarsiornermut Suliassanut Aalisarnermullu Pisortaqarfimmi Qullersaqarfimmit atorfillit peqataapput.



Suli illugiilluni kissaatigineqarpoq peqataasunut tamaginnut iluanaarutaasinnaasumik isumaqatigiisuteqarnerup anguneqarsinnaanera aammalu naak teknikkimut sammisanut aamma ingammik akinut pisassiissutillu annertussusiinut isumaqatigiinngineqaraluartoq isumaqatigiinniarnert iluarisimaarinnittumik ingerlanneqarput.

Naatsorsuutigineqarpoq teknikkikkut ajornartorsiutaasut taakkua januarip qiteqqunnerani Danmarkimi teknikkikkut ataatsimiinnermi aaqqiiffigineqassat. Taamaattumik isumatigiittoqarneruvoq isumaqatigiinniarnert pingajuanni 2012-mi februaarip aallartinnerani Københavnimit ingerlanneqartussami isumaqatigiisuteqarneq anguneqarumaartoq.



NAP-NYT



Puisit pillugit isumasioqatigiinneq

Bruxellesimi Kalaallit Nunaata Sinniisoqarfia EBCD aamma MEP Pat the Cope Gallagher suleqatigalugit Europa Parlamentimi ulloq 7. Februaari puisit pillugit isumasioqatigiissitissaaq.

Isumasioqatigiinnerup imarissavaa EU-p Puisit pillugit inerteqquteqarnerata Kalaallit Nunaanni innuttaasunut kinguneru. Siunertarineqartoq tassaavoq Puisit pillugit inerteqquteqarnerup kulturikkut aningaasaqarnikkullu kingunerisaanut tunngassuteqartunik soqutiginnilersitsiniarneq.

Neriutigineqarpoq inerteqquteqarneq pillugu kinguneqarluartumik oqallittoqassasoq peqatigitillugulu siumut sammisumik eqqarsartoqarluni.

Aalisarnermut, Piniarnermut Nunalerinermullu Naalackersuisoq, Ane Hansen ilaatigut Europa Parlamentimi ilaasortaq Pat the Cope Gallagher, aamma Karl Falkenberg, Avatangiisinut Pisortaqarfiup Qullersaqarfiani Pisortat Qullersaat peqatigalugit isumasioqatigiinnermi oqalugiassaaq.

Kalaallit Nunaata kissaatigaa Puisit amiisa inerteqqutigineqarneratigut ajornartorsiutit pilersinneqartunut soqutiginninnermik pilersitsinissaq neriutigineqarporlu nutaanik peqatigisinnaasanik nassaarnissaq.

Bruxellesimi Kalaallit Nunaata Sinniisoqarfiata European Bureau for Conservation and Development Bruxellesimi qanimut suleqatigineqartoq peqatigalugu isumasioqatigiinneq aaqqissuuppaa. Napimit –Nutaarsiassani tullermi isumasioqatigiinnerup taassuma ingerlanneqarsimanera atuarsinnaassavat.



Københavni Aatsitassat pillugit isumasioqatigiinneq

Aatsitassanut Ikummatissanullu Pisortaqarfik Bruxellesimi Kalaallit Nunaata Sinniisoqarfia aamma Nunanut Allanut Pisortaqarfik peqatigalugit ulloq 13. januaari 2012-mi aatsitassat ikummatissallu pillugit EU Kommissionimik isumasioqateqarpoq.

Isumasioqatigiinneq Naalackersuisut Siulittaasuata Kuupik Kleistip Suliffissuaqarnermullu Kommissærip Antonio Tajani'p asaanerani ataatsimiissimanerannut malitseqartitsineruvoq, ilaatigut EU-p Kalaallit Nunaatalu aatsitassanut ikummatissanullu isumaqatigiissuteqarsinnaanerit periarfissat oqaloqatigiissutigineqarput.

Aammattaq isumasioqatigiinnerup siunertaraa, iluarsartuullugit pilersaarusiit, ilisimatuutut misissuinerit minnerunngitsumillu misissueqqissaarnerit pillugit paasissutissanik paarlaasseqatigiinnerit, kiisalu aatsitassarsionernut iluarsartuullugit pilersaarusiit nutaat nunallu sananeqaatai qaqutigoortut takussutissiorlugit erseqqissaanerit.

Qularutissaanngilaq EU-mit soqutiginninneq annertoorujussuummat, kisiannili aalajangersimasumik isumaqatigiissuteqarnermik angusaqarfiussanersoq maannakkorpiaq aalajangiiffigissallugu ajornakusoorpoq.

Isumasioqatigiinneq ingerlalluarpoq, isumaqatigiissutigineqarpoq peqataasut tunulequtatik oqaloqatigissagaat, sulineq qanoq ingerlaqqissanersoq aamma naleqqussartariaqassanersoq.



Ataatsimoorluni Suleqatigiinneq

Siunissami OLT EU, OLT-t, Naalagaaffit ilaasortat aamma EU Kommissionip akornanni pissutsit pillugit 15. novembari 2011-mi Ataatsimoorluni Suleqatigiinneq (PWP4) ingerlanneqarpoq. Tassani OLT-mut ilaasortaanerup nutarterneqarnissaa oqallisigineqarpoq.

Ataatsimoorluni Suleqatigiinneq tassaavoq pingasuulluni oqallittarfik tassaallutik naalagaaffit ilaasortat sisamat; Holland, Tului Nunaat, Frankrig aamma Danmark, EU Kommissioni aamma Nunat Imapriup Illuatungaaniittut Nunallu Immikkoortui (OLT).

PWP-mi eqimattani assigiinngitsuni Aningaasaqarnermut tunngasunik Kiffartuussineq, Niuverneq Nunallu Immikkoortuini Ilanngutsitsineq, Avatangiiseq, Silaannaap pissusaata allanngoriartorneri, Pinngortitami Ajunaarnersuarnik Pitsaaliuineq Suliarrinninnerlu aamma Siunissami OLT-EU-mi Pissutsinut tunngasut oqallisigineqarput suleqatigiissutigineqarlutillu.

PWP4-mut, Siunissami OLT-EU-mi Pissutsinut tunngatillugu ataatsimiinnermi OLT-mik aqqissuussinerup nutarterneqarnissaaq sulineq oqallisigineqarpoq. OLT-mik aqqissuussineq OLT-nut arlalinnik iluaquteqarpoq, ilaatigut makkuninnga EU-p programiit isersinnaaneq, silaannaap pissusaanut avatangiisinullu tunngasuni EU-mi malunniuteqarneq aamma akitsuutitigut salliusussaaitaanertigut killilersuerusunngineq annertooujussuaq.

OLT-mik aqqissuussineq 2013-p naanerani naassaaq 2012-milu upernaap ingerlanerani nutartertariaqassaaq. Kommissionip OLT-mut Suleqatigiissitaq Immikkut Suliassaqartinneqartoq nutarterinissamik sulinertik pillugu ilisimatitsivoq.



Partnership Working Parties sisamanik

immikkoortoqarpoq:

PWP 1, Aningaasatigut Sullissinerit

PWP 2, Niuverneq Nunallu immikkoortuisa peqataaneri

PWP 3, Avatangiisit, Silap Pissusaata Allanngornera,

Pinngortitami Ajunaarnersuit Pitsaaliorneri Aqutsinerlu.

PWP 4, Siunissami OLT – EU-mi Pissutsit

EU Kommissionip ilaatigut uppersarpaa, piffissami 2014-2020 OLT-nut EDF aammattaaq aningaasalersuussasoq EU-llu nalinginnaasumik missingersuutaasa ataaniissalluni. Immikkoortut ilai naammaginatimik atorineqanngillat aarlaqartullu nutaanik ilaartugassaallutik immikkut niuverneq, avatangiisit silallu pissussaa eqqarsaatigissagaanni.

Maannakkut OLT-mut aqqissuussinermi sammisani soorlu silap pissusaata allanngoriartorneri, pinngortitami ajunaarnersuit nalorninartumillu aqutsinerit ilaanngillat, taamaakkaluartorli OLT-t programiini 23%-tit silap pissusaanut attuumassuteqarput. Taamaattumik Ilaasortaanerup nutarternerani sammisat tamakkua ilanngunneqarnissaat Kommissionip inassutigai.

Aammattaaq siunnersuutigineqarpoq OLT-mut ilanngunnissamut OLT-t EU-llu akornanni niuvernermut illugiilluni soqutigisat akuersaarneqartariaqartut, aamma EU-p programiit pisarsiariuminassusiat isersinnaanerlu qimerloorneqartariaqartut. Aammattaaq erseqqissarneqarpoq nutaanik ilaasortanngorneq pisariinnerulersinneqassasoq, aallunneqarsinnaanerulersillugu angusassamillu toraagaqarnerulersillugu. Ministerit siunnersuisoqatigiiffianut juunimi 2012-mi siunnersuut saqqummiunneqassasoq naatsorsuutigineqarpoq.

Danskit 2012 EU-mi Siulittaasuutitaqarnerat

2012-p affaani siullermi Danmarki Europæiske Unionimut Siulittaasuusaaq. 1973-mi ilaasortaannerup aallartinneraniilli arfineq-aappassaa Danmark EU-mut siulittaasuuvoq.

Siulittaasuutitaqarneq EU-mi naalagaaffiit ilaasortaasut tamarmiusut akornanni kaaviiartinneqarpoq 2012-milu qaammatini siullerni arfinilinni Ministerit siunnersuisoqatigiiffianni sulineq Danmarkip aaqqissuutissavaa siulersorlugulu. Siulittaasuutitaqarneq danskit naalakkersuisuinut nalinginnaasumillu Danmarkimut suliassarujussuusaaq.

Kingullermillu Danmarki EU-mut siulittaasuummalli sorpassuit allanngorsimapput. Ilaatigut Lissabonimi isumaqatigiissut atuutilereernikuuvoq aamma ataqatigiissumik aaqqissuussaaneq pioreersoq allanngorsimavoq.

Tamanna isumaqarpoq, Ministerit siunnersuisoqatigiiffianni atajuartumik siulittaasoq Herman Van Rompuy aamma Ministerit siunnersuisoqatigiiffiata aqunneqarneranut tunngatillugu nunanut allanut isumannaallisaanermullu ingerlatsinermut pingaarutilimmik sinniisoq Catherine Ashton qanimut Danmarkip suleqatigissavai.

Tamanna aamma isumaqarpoq, maannakkut pingasuussilluni siulittaasoqartitsinermut Danmarki ilaasoq, EU-mut siulittaasut pingasuusut ataqatigiissarineq assigiiarnerlu pitsaanerusoq qulakkeerniarlugu suleqatigiissapput. Taamaattumik siulittaasutut tunuartoq, Polen aamma siulittaasunngortussaaq, Cypren Danmarkip qanimut suleqatigissavai.

Nunat taakkua pingasut ataatsimoorlutik siulittaasuusut piffissamut qaammatinut 18-nut ataatsimoorluni killiliussamik programiorput, taamaattorli nunat ataasiakkaat qaammatini arfinilinni Siulittaasuunermi namminerisaminnik tulleriissaarissapput.

Danmarkip Siulittaasuunermi Avatangiisinut Innarliinngitsumik Ineriartorneq salliutinniarpa, tamannalu Kalaallit Nunaata OLT-mut Siulittaasuunermi nammineq sammisaanut naapertuuppoq. Angusaqarluarusussuseq tassaavoq EU-p nunalerinermut tapiissutaasa aaqqissuussinermullu aningaasaateqarfimmik ingerlatsinerata annertunerusumik avatangiisinut innarliinnginnerunissaat.

Danmarkip ilaatigut kissaatigaa EU-p ilisimatuutut misissuunermut nutarterinermullu suliniarnermut avatangiisinut innarliinngitsumik ineriartornermut tapersersuina nukittorsarneqassasoq. Anguniagaq tassaavoq isumalluutinik nukissiuutinillu atuinerunngikkaluarluni ineriartornermik pilersitsineq.

Avatangiisinut innarliinngitsumik ineriartornerup ukkanneqarnissaa kissaatigineqarpoq, EU-mi suliffissanik pilersitsineq qulakkeerniarlugu aamma nunanut Kinatut Indiatullu ittunut nuutsinniarnagu.



Helle Thorning Schmidt 2012-p affaani siullermi EU-mut Siulittaasuuvoq.

eu2012.dk

Danmarkimi Kalaallit suliffissanik takutitsinerat

Ukiumi matumani suliffissanik takutitsinermi Århusimi Københavnimilu ulluni 19. aamma 20.-ani decembari 2011-mi ingerlanneqartumi Kalaallit Nunaata Sinniisoqarfia ukioq manna takutinneqaqqippoq.



Jacob Isboethsen Bruxellesimi Kalaallit Nunaata Sinniisoqarfianeersoq Sinniisoqarfiup sulinera pillugu oqalugiarmoq, Bruxellesimi suliasat suut suliarineqartarnersut minnerunngitsumillu inuttut suliatigullu piginnaasat suut Sinniisoqarfiup piumanerunera.

Soqutiginninneq apeqquteqarusunnerlu annertoqaat, najoqqutarineqartoq sunniuteqarmoq, taamaapporlumi, kalaallit ilinniagaqartut arlaqartut sungiusaatigalugu sulinissaq pillugu qinnuteqarniarlutik aalajangermata.

Ullut marluk pissanganarsimapput pissarsiaqarfiullutillu inuppassuit ilinniartorpasuillu takkuttut oqaloqatigineri nuannersumik misigisaqarfiupput. Kalaallit Nunaata Sinniisoqarfiata Namminersorlutik Oqartussani immikkoortortaqarfiit allat peqatigalugit saqqummersitsivik ataaseq katuppaat, ilinniagaqartut oqaloqatiginninnissamut, apeqquteqarnissamut periarfissaqarput aamma Bruxellesimit Kalaallit Nunaata Sinniisoqarfiani sungiusaatigalugu sulinermut atatillugu suut periarfissaanersut ataatsimut paasisaqarfigaat.

Hans Jakob Helmsip oqalugiaataata pissanganartup saniatigut, Royal Greenland, Greenland Contractors, Tele Greenland, London Mining, Cairn Energy PLC, Kalaallit Nunaata Eqqartuussivia, Air Greenland, Kalaallit Nunaanni Sulisitsisut Peqatigiiffiat, Kommuneqarfik Sermersooq allarpasuillu aamma peqataapput.



NAP-NYT

Aningaasaqarnikkut isumaqatigiissut

Ulloq 2. decembarimi, Kalaallit Nunaata sinniisoqarfianersoq Lida Lennert ministerit siunnersuisoqatigiiffiat Kalaallit Nunaat sinnerlugu Bruxellesimi Aningaasaqarnikkut isumaqatigiissummut atsiorpoq. Tamanna isumaqarpoq 2011 naatinnagu EU-mit ilinniartitaanermut missingersuutinut tapiissutit Kalaallit Nunaata tigussagai.

Maannakkut suleqatigiinnissamik isumaqatigiissut 2007-2013 kalaallit ilinniartitaanerannut aamma aalisarnermut isumaqatigiissummut tapiliussamut aningaasanik tapiissuteqarneruvoq, suleqatigiinnissamik isumaqatigiissutip ataani immikkut isumaqatigiissutaalluni. Lida Lennertip saniatigut, Latin Amerikamut aamma Caribienimut Ineriartornermut Pisortaqarfiup Qullersaqarfiusup ataani immikkoortortamut pisortaq Julita Butkeviciene atsiorpoq.

Atsiorneq isumaqarpoq Kalaallit Nunaata piunasaqaatinut tunngaviusut naammassigai taamaattumillu Kalaallit Nunaanni ilinniartitaanernut tunngasunut EU 200 millionit kr.-nit missaannik akiliuteqartarpoq.



Suleqatigiit naapeqatigiinnerat

Ulluni 6. aamma 7. decembari 2011-mi Kalaallit Nunaata EU Kommissionillu suleqatigiittut naapeqatigiinnerat ingerlanneqarpoq – Suleqatigiittut naapeqatigiinnermi sammineqarpoq ilinniartitaanermut tunngasut pillugit EU-p Kalaallit Nunaatalu suleqatigiinnerat.

Suleqatigiit naapeqatigiinnerat Kalaallit Nunaannit EU Kommissionillu ukiumut marloriarluni ingerlanneqartarpoq, Kalaallit Nunaanni ilinniartitaanermut tunngasunik suleqatigiinnerup iluani ukiumut angusarineqartut siumullu sammisumik suleqatigiinneq oqaluuserineqartarput isumaqatigiissutigineqarlutillu. Suleqatigiinnissamik isumaqatigiissuteqarnikkut Kalaallit Nunaat 200 millioner kr.-nit missaannik pissarsisarpoq.

Kalaallit Nunaanni ilinniartitaanerup ataqatigiimmik aqqissuussinerup ineriartortinneqarnissaanik Kalaallit Nunaata EU-llu tunngaviusumik anguniagaat ilinniartitaanermut ilisimatusarnermullu Naalakkersuisoqarfiup EU Kommissioni peqatigalugu suliarisarpai. Suleqatigiit ukiumut marloriarlutik naapittarput aamma angusarineqartut, suleriaasissat unammillernartullu aqquasaarsimasatik oqallisigisarpaat.



Isummernerit, angusat, suleriaasissat tunngaviusumillu piunasaqaatit piviusunnigortinnerisa oqallisiginerisa saniatigut aammattaq siunissami suleqatigiinnissaq oqallisigineqartarpoq. Maannakkut suleqatigiinnissamik isumaqatigiissut 2013-p naaneranut atuutissaq 2012-milu upernaap ingerlanerani isumaqatigiinniutiginneqaaq.

Ilisarititaq: Anne Marie Andersen –Bruxellesimi allatsitaaq

Febbruarimi 2012-mi Bruxellesimi Kalaallit Nunaata Sinniisoqarfiani sulisut suleqatitaarput. Anne Marie Andersen Bruxellesimi Kalaallit Nunaata Sinniisoqarfiani allatsinngussaaq, Europa Parlamentimi, Dan Jørgensenimut, danskit Socialdemokratit siulittaasuanni allattaareerluni Sinniisoqarfimmut pissaaq.

Anne Marie Sisimiuni inunngorsimavoq, Nuummili allisarsimalluni. Københavni Niels Brock Business Collegemi avammut niuernermit teknikeritut ilinniarsimavoq. Anne Marie belgiamiumik ueqarpoq marlunnillu 5-nik 7-nillu ukiulinnik meeraqarluni 2001-miilli Belgiami najugaqarpoq, ilaatigut ukiuni arlalinni nunani tamalaani saviminernut suliffissuaqarnerup iluani suliffeqarfimmi Services Contract Assistentitut sulisimavoq.

2008-miilli Europa Parlamentimi siullermik ministeriunerusimasumut, danskit socialdemokratit europamilu socialdemokratit siulittaasuannut Poul Nyrup Rasmussenimut namminermit allatsitut Anne Marie silisimavoq, kingornalu EP-mi maannakkut socialdemokratit siulittaasuannut Dan Jørgensenimut namminermit allattaalluni. Anne Mariep ilaqttani sallahsaatippai sulinngiffiullu annersaani ilaqttani ikinngutinilu ilagisarpai. Kisiannili, atuagatsilammik atuarsinnaasarpoq imaluunniit sila atorsaariartoq Harleyminik angalaarsinnaasarpoq. Bruxellesimi Kalaallit Nunaata Sinniisoqarfiani allatsitut atorfimmu neqeroorfigineqarnini Anne Mariep tulluusimaarutigisorujussuuaa aallartinnissaa tamarmik qilanaaraat.



Ilinniarnermut atatillugu suliffimmiittoq

1. Februari Nina Jul Larsenip Katrine Kærgaard Bruxellesimi Kalaallit Nunaata Sinniisoqarfiani taarsissavaa. Qaammatit arfinillit Sinniisoqarfimmit ilinniarnermut atatillugu suliffimmeereerluni Katrine Kærgaard Danmarkimut utissaq ilinniarnini inaariartorlugu Nina Jul Larsenilu Bruxellesimi suleqatigiinnut nutaatut ilaalissaaq.

Nina Jul Larsenip ulloq 1. Februari 2012-mi ilinniarnermut atatillugu suliffimmiinnini allartissavaa. Nina 27-nik ukioqarpoq Ilulissani inunngorsimavoq allisarsimallunilu.

Paarlaaqatigiinnikkut USA-meereermermi kingorna Aasianni Avannaani Ilinniarnertuunngorniarmimmiippoq. Tusagassiortuunngorniarni atuarpoq ilaatigut bachelorinngorniarnermi ilinniarnermut atatillugu suliffimmiinnermini Sermitsiamiippoq KNR-imiillunilu. Maannakkorpiaq Nina Syddansk Universitetimi Odensimi Cand. Public-itut kandidatinnigorniarni atuarpoq.

Ninap sunngiffimmini pinngortitaq, suloraneq atuagatsialaallu atuassallugu nuannarisarai. Ninap Kalaallit Nunaata Sinniisoqarfiani Bruxellesimi ilinniarnermut atatillugu suliffimmiinnissani siumut takorloopaa.



QUJAN, TAKUSS, BAI!



Kalaallit Nunaata Sinniisoqarfiani Bruxellesimi ilinniarnermut atatillugu qaammatit arfinillit suliffimmeereerlunga ilikkagaqarfiulluartumik misigisarpassuaqarlunga misilittagaqarnerulersimallungalu Danmarkimut angerlassaanga. Piffissaq Bruxellesimi pisimasoqarfioqaaq unammillernarsimallunilu Aalisarnermut isumaqatigiinniarnernik, Suleqatigiinnermut isumasioqatigiinnernik, Naalakkersuisut Siulittaasuata tikeraarnernik, OLT-EU-p Oqallittarfia aamma Kalaallit Nunaata OLT-mi Siulittaasunngornissaanut piareersarneq.

Qaammatini arfinilinni taakkunani ullut takisarsimapput, Parisimi Londonimilu ataatsimiinnerit, Kalaallit Nunaannut angalaneq sulerulunnerlu – kisiannili aamma Lida aamma Jakob peqatigalugit nuannersorpasuaqarpoq quianartoqarlunilu, aammattaarlu inuit Namminersorlutik Oqartussaneersut ulluinnarni ilaajuarsimapput. Århusimi ilinniarnermut utissaanga amerlaqisunik pitsaasunik eqqaamasaqarlunga naleqquttunillu misigisaqarsimaqalunga. Tassaniinnerup iluatsilluartumik misigisaqarfiuneranut suleqataasimasunut tamanut qujaniarpunga peqatigitillugulu Nina ilinniarnermut atatillugu suliffimmiinnermut ilikkagaqarfiulluartumik misigisassanillu pissanganartunik kissaappara.

Katrine Kærgaard

